

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدر .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره خانه

باب طاقی جاده سنده اورخان به خائنده
نومرو ۲۳-۲۶

اضطارات

آبونه بدلی پشیندر .

§

مساکه موافق آثار مع الممنونیه قبول
اولنور . درج ایدیا مهین یازیلر
اعاده اولوغاز .

اضطارات

رساله مزدن آلدیغی کورملک شرطیه
یتون یازیلر هر هانکی مرغزته طرفندن
انتباس اولونه یبیر .

§

مکتوبلرک ، امضارک واضح و
اوقوناقلی اولسی و آبونه صره
نومرو صنی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک قراممیزه سرده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

کتابخانه

۱۳۳۰

دینی ، علمی ، ادبی ، سیاسی هفته لقی مجموعه اسلامییه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ع . اشرف ادیب

جلد ۲ - ۹

صفر ۲۲ ۱۳۳۱ پنجشنبه ۱۷ کانون ثانی ۱۳۲۸

عدد ۶۷ - ۲۲۹

نهایت صاحبی، چیقاروب آنارده دردندن، بلاسندن قورتولور .
طریق .. اونك ده منافع الاعضا نقطه سندن وجودده بروطفه
مخصوصه حیاتییه واردر ؛ فقط آندن آریلوب یوکسان زائدقسمی
دائما کیلوب آتیلیر .
محمد فخرالدین

تراجم احوال

شهید غیرت

— ۲ —

مدافع لرینك بك مهم برقیمت تبعیه سی واردر . بر «فاضل قاتوليك
دوستی» ایله وقوع بولان دینی مناقشه لرینی حکایه ایدن «بشار صدق
نبوت محمدیه» ده مشارالیهك مبشر فوز وسعادتی اولایله جك ، روح
محمدی بی شادان ایده جك مأثر خیراتندن بر مخلصه نفیسه در . «نزاع
علم و دین» ؛ کنیذرلندن - شفاهی ، تحریری - کمال تمظیم ایله «استاذم»
دیه بحث ایتدیکی موسی کاظم افندی حضر تکرینك معاونت تحریرانه لرله
بك قیمتدار بر مجله انتقادیه ماهیتی اکتساب ایتشددر . مرحومك
بونلردن باشقه «ردرونان» ، «بن نه یایهیم ؟» ، «تعلیطات والهامات» ،
«شوپنهاور» ك مسلك فلسفیه رده ، کی اثرلری ده واردر كه
بونلرده تعقیب ایتدیکی مرشدانه نقطه نظرلر ، دیانت پسند خدمات
مشكوره سندندر .

بالخاصه «شوپنهاور» ك مسلكنه یازدینی کوچوك برردیه ده :
بونكله كنجلی «بشیر فواد» ك عاقبت الیمه سندن تحذیر ایتك ایسته دیكنی
تصریح ایله مش ایدی .

«مدحت» ؛ اووسیع الانحا ساحة مساعیدنی قاپلایان مجاهدات
علمیه سندن مهم بر حصه یی ده «تاریخچی» لكه حصر ایتشددر :
كائناتی ، هله «قرون جدید» تاریخنی احتسوا ایتك اوزره ترتیب
و بك درین تتبعات محصولی اولان عثمانی تاریخك ادوار اولیه سی ایله
تنوچ ایلدیکی «مفصل» ی کرانقیمت برر جوهر پاره جد و همتدر ؛
مع التأسف بوكون عثمانی کتبخانه تاریخی ؛ بوصولك اثرك نا تمام قالمش
اولماسنی صمیمی تأثرلره یاد ایلدكه محكومدر .

بو بویوك قریحه نك زمین اشتغالاتی بك فیضناك اولمشدر ؛ مشار
ایله زده صنعت تحكیمه نك مؤسسی صایلا بیلیر : «مونه قرستو» یی
تنظیراً یازدینی «حسن ملاح» [۱] ، «حسین فلاح» ایله همان خاطره
کلیورن «سلیمان موصلی» ، دنیا یه ایکنجی کلیش ، پارسده بر تورك
کی رومانلری هر حالده بر اثر اصیل تبعدر . هله «پارسده بر تورك»
ده کی وسعت احاطه ، بو زمینده اجنبیلری ده حیرتکاری ایتشددر .
انقلابی متعاقب «ترجمان حقیقت» ده ، «ژون تورك» عنوانی بررومانی

[۱] بورومانی سکز یاشلرنده ایکن یمده کیجه لری عائله آره سنده
او قویارق طائی طائی دیکه تدیکی خاطرلایورم !

قامتنه ، ضیف وجودینه ، قوتنك آزلعه باقری ده فطرتنده کی استعداد
مستثنایه ممتازینه کووه نرك کمال جرأته میدان بوله آتیلویردی . «بوامانت
کبرانك یكانه حامل و حائظی بنم» دیه دوش عجزینه یوکاندی ؛ فقط
عهدنده وفا وظیفه تحملی حقیقه ادا ایتمه مكله بك بویوك بر ظامی
ازنکاب ایتدی . وخامت انجمنی ، شدت مسئولیتی دوش ونه مكله
غایت عظیم بر غفلت ، مضاعف بر جهالت کوستردی .

آیه جلیله ده کی (امانت) نظم کریمی نه در ؟ اوت ! (امانت) ، (دین) در ؛
دین ، كه قانون الهیدر ، انسانك عالم ارواحده (الست بر بكم ؟)
خطاب ازلیسنه قارشی (بلی ... !) دییه سجده اجابته قاپانه رق
قبول ایتدیکی امانت کبری ایشه اودر .

جناب مسجود ازل انساندن بوجواب تصدیق آلدقندن صوکر
قانون الهیسنی تکلیف ایتدی ؛ انسانده استعدادنده کی قوه تحمله
باقاراق فرط عشق وسودا ایله یدیمین تقدیسنه آلدی . ایشه بو بر
امانتدر ؛ برامانت کبری حقدردر . امانت ایسه مأمون و محفوظدر .
بوامانت کبری الهیه نك حفظی ایسه احتوا ایلدیکی کافه احکام و امر
ونواهیسنه چون و چراسز اطاعت و اقیاددن ، حرفیاً ایفادن عبارتدر .
مثلاً : بر حکمدار ، تبعه سنه بر قانون ویرر ؛ اوده مراسم تکریمات
و تعظیبات ایله قبول ایدرك احکامنه رعایت ایده جکنه مع القسم سوز
ویرر . بوقانون امانت دکلکی ؛ احکامنه رعایت بروطفه ، بر فریضه دکلکی ؛
حیات قانونسز اولماز اولاماز . چونكه قانون ، ناظم حیانددر .
قانون ایسه وظیفه ایستر ؛ اوله ایسه وظیفه عینله حیانددر .
سن - بیلمیسین كه - وظیفه یی استخفاف ایله کندی قیمتی
حیاتکی ، وارغنی استخفاف ایدیورسك ده خبرك یوق ! ...

وظیفه نك عینله حیات اولدیغنی اکلامق ایچین انسانك - اوزاغه
کیتمسنه نه حاجت ! - کندی اعضای وجودنی تدقیق ایتمی کافیدر .
وجودینك اك بویوکندن اك کوچوکنه قدر داخلی ، خارجی - هر عضو
کندی موقعنه مخصوص بروطفه حیاتییه ایفاسیله مشغولدر . بونلردن
هر هانکی بری تعطیل وظیفه ایسه حیاتك اهنك عمومیس - آزچوق -
سکته در اولور . یا بوعضو ، (قلب) اولورسه ... ؟ زوالی آدم سکت
قلبدن متأثراً وفات ایتدی . انالله وانا الیه راجعون ! کوردیکزمی ؟
قلبك بر آن ایچین وظیفه سنی ترك ایدوب دورو ویرمی قوجه بروجودی
نصل موته تسلیم ایدیور !

سفینه وجودك باش قوماندانی اولان دماغه شدتلی برضربه نزول
اینرسه ینه ایش بتدی . بویورك جنازه نمازینه !

کوز آغیرر ، قولاق صانجیرسه وای صاحبك باشنه کلنلر !
بردیشك چورومسی وظیفه مودوعه سنه ختام ویرمسیدر . دیش ،
ترك وظیفه ایتدیکنی شدتلی تحملکذار بر آغری ایله حاملنه آکلاتیر .
صاغلام ایکن بك قیمتدار اولان اودیش چورویوبده آغریلر ،
آغزده ، یوزده التهابلر ایجابینه ، بوتون وجودی آتشلری ایچنده
یاغنه باشلا ییجه صاحبنه بلای عظیم کسلیلر ؛ فراش اضطرابه دوشورور .

داها انتشاره باشلامش ایدیسه ده دوام ایدمه دی . مشار الیهک بو وادیده بر چوق تجاریب قلمیه سی واردر . بونلرک اک بویوک مزیتلرندن بری ده خوشه کیتمه لری ، طاتلی ، طاتلی اوقونمالریدر .

عسکرلرک اک حرارتلی ستایشکارلرندن اولان مدحتک « نوسال عسکری » ده بر چوق واقفانه مقاله لری ده واردر .

غیرتکار مشارالیه ، « مشوی شریف » دن بویوک برتجیل و اخلاص ایله بحث ایدر ، « تصوف » ک اک جذبه دار برکلیمی ، بر ناطقه سی اولان اولاهوتی ادا نوای فیض بارک رتبه بلند معنویتنی طاشقین واستغراقی بر هیجان روح ایله آکلاتمق و دیکلتمک ایستردی !

فلسفه ده سرحد تصوفه منتهی اولان مباحث دقیقه بی « مشوی » نک جوشش بلاغتیه ایضاح ایتک میسر اوله جغنی سوبلردی .

مدحت ، انقلابه برابر یار روانی اولان حریت فکر و عمل ده قاووشدیغنی کورونجه دارالفنون کرسی سنک ندای استمدادینه جان آتدی ؛ و چالیشدی ، چالیشدی ، اورادده برتمثال وظیفه پروری اولارق تشخیص ایتدی : مرحومک بو دورت سنه لک دارالفنون معلمکی ، حیات علمیه سی اوزرینه تدقیقات عمیقہ اجرا اولنورکن فضائنامه کزینده پک زینده بر صحیفه علاوه ایده جکدر . فی الحقیقه مرحوم دارالفنونده تدریس اولمغه لایق بر « تاریخ عمومی » میدانه کتیرمک ایچون وارقوت احاطه و تبعیله اوضراشیوردی . مختلف منابع مهمیه مراجعت صورتیه تدوین ایتکه باشلا دیغنی بو کزیده اثرک اتمامی ؛ خلفک مساعی قدر شناسانه سنی بکله یور .

مدحت ؛ ینه دارالفنون ساحه جهاندده کتبخانه عرفانمزه - بزم ایچون پک یکی - بر اثر داها قازاندر مقبله مشغول ایدی : تاریخ ادیان . بونلردن باشقه فرانسه متأخرین فلاسفه سندن اولوب کچلرده ارتحال ایدن مشهور ، (fouillée) نک « تاریخ فلسفه » سنی ده غایت واقفانه و مشرحانه بر صورتده لسانمزه نقله باشلا یارق بویوک بر موفقیتک داها نامزد اکتسابی اولمش ایدی . مرحوم ؛ بو اثرک مقدمه - نی ترجمه ایدرکن پک بویوک بر قدرت تعمیق و تشریح کوسترمشدر .

فرانسجه نی پک ای بیلیردی . فلسفه اصطلاحاتنه لسانمزه کوزل مقابلر بواق اک طاتلی مشاغلندن برنی تشکیل ایدردی ؛ مع مافیه بو خصوصده اشکال حس ایدیلر ایدلر کله نی عیناً اسانه مال ایتک طرفداری ایدی .

مشارالیه ؛ استوقهولم مستشرقین قونفره - نه حکومت سنیه نامنه اعزام اولوندوغنی زمان بو اوروپا سیاحتک خاطره تتبع و مطالعاتی اوراق اوزره کتبخانه عثمانیه « اوروپاده بر جولان » عنوانی مهم بر بویوک جلد اثر داها قازاندرمشدر .

کندینه مخصوص سلیس براسلوبی واردری . اثرلرینی اوقویانلر ، خصوصیت اداسیله ، استیناس پیدا ایدنلر ؛ امضانی کورمه دن اوقو - دقلری شیئک کیمه عائد اولدیغنی درحال طانیه بیلیرلر . بو صورتله عثمانلی تاریخ لسان و ادبیاتنه مهم بر مصالحک و انقلابجیلق پایه سی احراز ایتیش اولویور .

مرحوم ، بوتون بوجهان پسند مجاهدات ثیمه سیله کندینی اوروپا عالم عرفاننه ده طانتش ، او محیط علمادن ده بعض محبلر قازانمشدر ؛ نامی فرنک « قاموس الاعلام » لرینه کچمک صورتیه مظهر تأیید اولمشدر ؛ کندی ملتندن کوردیکی قدر ناشناسلقلره مقابل اوروپاک کوستردیکی بوائر توجه و تقدیر ایله متسلی اولوردی .

فاضل مرحوم ، اختیارلغنه رغماً دینج ، پک چوق کنجیلردن مقاوم و چالیشقان ایدی : درت سنه اول بر شدتلی قار فورطوناسنده بر چوق اصرار ایدلمه سنه مقابل شمسیه قبول ایتیمه رک یاقلرینی قالدیر - دقدن صکرا بر عسکر طور مردانه سیله ایلرله ییوردیکی خاطر لایورم ! حاصلی محترم استاد من احمد مدحت ؛ بر منظومه فضائل و مزایا ایدی . بی کس ملتتمز ؛ او بویوک « اب معرفت » دن داهایک چوق شیر بکلردی ؛ (کندی ده داها اون سنه خدمت ایتک املنده بولوندوغنی سوبلر مش .) مرحوم ، بر « حیات وظیفه » یاشادی و نهایت وظیفه سی ، غیری اوغورنده ، شهید اولدی ؛ و بوقدسی خاتمه نی کلمه شهادتیر ، تکبیرلر ، تهلیللر ایله تزیین ایدره رک ، سلیم قلبی ، محاسب وجدانی ، نظرکار عقلی ایله محفوف ارلان « نفس مطمئنه » سی ؛ - راضی و مرضی - ؛ اللهنه قاووشو ویردی !

— الله ، اوغیور قولندن راضی اولسون ، قبرینی پر نور ایتسین . —

عبداللطیف نوزاد

فَطْبُوحَاتٌ

خلافت اسلامیة نک سقوطی دنیانک زوالی در

محررین اسلامیة دن احمد اغایف بک تصویر افکارده نشر ایتدیکی بر مقاله سنی شو فقره ایله بتیریور :

« ملت اسلامیة نک شو یکی هیئت وکلادن طلب ایده جکی یکانه شی : « محافظه شرف و ناموس » دن عبارتدر . حکومتک یکانه وظیفه سی کندی حیثیت و شرفنی مدافعه نی تصمیم ایتیش اولان ملت رهبرلک ایتکدر .

« ملت ایسه آرتق موجودیتی اثبات ایدنجه دینک ، ناموس و شرفک بوتون معنویات و روحانیتکده معرض تهلکده بولسیدیغنی البته که تقدیر ایتددر ! بوکون یالکز ادرنه ، آطه لر دکل دین اسلام شریعت غرای محمدیه بیله تحت تهلکده در . بزبوره مظفریات و استیلا ایچون دکل ، دینزی ، شرفزی ، نامزی مدافعه و محافظه ایچون مجاهده ایده جکیز . بز بوتون جهان خلافت اسلامیة نک سقوطی دنیانکده زوالی اولدیغنی اثبات ایده جکیز ! اونوقتیه لم که درت یوز میلیون نفوسی حاوی بولسان عالم اسلامک بوتون انظار ی بوکون بزه معطوفدر . بوکون کوکلرده روح پیغمبر بزم ایچون دعاخواندر . بزم یکانه املنه ، شرف و ناموس اسلامیتک اعاده سی اوله جقدر . بز شیمدییه قدر حیثیت اسلامیة سورلش اولان لکهلری قانمزه ییقایاجیز . لازم اولورسه قادیلریمز ، چوقلریمزده اوله جکلدر . جانزی ؛ مللری ، بتون ماملکیزی حیثیت اسلامیة یولنده فدا ایده جکیز ؛ موفق اولمزه سق بیله ملت محمدیه نک ناموس و شرف ایله محو اوله بیله جکینی بوتون دنیایه اثبات ایده جکیز . هیچ اولمزه اولاد و اخقادر یوکسک ناصیه ایله استقباله